



# Retningslinjer for prosjektstøtte til profesjonell kunst og kultur

Retningslinjene for ordninga vart vedtatt i kultur-, næring- og folkehelseutvalet sitt møte 30. august 2022, i sak 99/22.

Ordninga gjeld støtte til produksjon og til formidlinga av prosjekt, for aktørar og/eller aktivitetar i det profesjonelle kunst- og kulturfeltet i Møre og Romsdal.

## Formål

Ordninga skal bidra til å vidareutvikle eit mangfaldig og tilgjengeleg profesjonelt kunst- og kulturtilbod for befolkninga ved å:

- stimulere til auka kunstfagleg produksjon av høg kvalitet
- stimulere til auka kunstfagleg formidling av høg kvalitet
- gi utøvarar innan alle uttrykk moglegheit å arbeide med gode prosjekt
- stimulere til auka visning av kunst og kultur i heile fylket

## Kven kan søke om støtte?

Profesjonelle kunstnarar og kunstnarlege fagmiljø innan alle kunstuttrykk og sjangrar

Kunst- og kulturinstitusjonar med vesentleg offentleg støtte kan vere samarbeidspart i prosjektet, men ikkje stå som søker.

Det blir ikkje gitt tilskot til amatørverksemd, men det kan bli gitt tilskot til profesjonelle sitt bidrag i samarbeidsprosjekt mellom profesjonelle og amatørar.

Alle søkarar må vere folkeregistrert i Møre og Romsdal.



## Kva kan du søke støtte til?

- Produksjon og utvikling av åndsverk som eit publikum skal oppleve og/eller delta i
- Produksjon og ferdigstilling av materiale
- Tilrettelegging og distribusjon
- Produksjon og formidling av lydopptak, konsertverksemd og komponering (f.eks. innspeling og turné)
- Produksjon og formidling av scenekunst
- Manusutarbeiding og andre former for tekstproduksjon
- Produksjon og formidling av film
- Produksjon og formidling av visuell kunst, f.eks. foto, bildekunst, kunsthåndverk, performance

Du kan òg få støtte til samansette prosjekt som fell innanfor kategoriane nemnt ovanfor.

## Det gis ikkje støtte til:

- Pilot- og forprosjekt
- Kostnadar til teknisk bistand og utstyr og innkjøp av rekvisittar
- Seminar, studiereiser eller utgifter til kurs/utdanning

## Søknaden må innehalde

- Skildring av tiltaket og korleis det skal gjennomførast
- Budsjett som viser utgifter og inntekter (kostnad- og finansieringsplan)
- Framdriftsplan (tidsplan for tiltaket)
- CV på alle deltakarar i prosjektet
- Oversikt over materiale som er relevant for prosjektet

Alle vedlegg skal vere digitale og tilgjengelege i minimum 6 månadar etter søknadsfrist. Har du filmar i Vimeo som skal leggest ved søknaden din må du hugse å gi opp passordet så saksbehandlar får tilgang. Eventuelle nettleiker må lede rett til det aktuelle, relevante materialet.



## Behandling av søknaden

Kulturdirektøren har behandla søknaden din, på delegert myndigheit frå kultur- og folkehelseutvalet. Kulturavdelinga i Møre og Romsdal fylkeskommune har normalt fire veker saksbehandlingstid frå første kvardag etter søknadsfrist.

## Retningslinjer for utbetaling

Tildelinga kan maksimalt utgjere 50 prosent av det totale budsjettet. Dersom rapporten viser at den reviderte rekneskapen er lågare enn budsjettet, kan tilskotet bli avkorta.

### Fylkeskommunen kan kontrollere at vilkåra er oppfylt

Møre og Romsdal fylkeskommune kan gjennomføre kontroll om at vilkåra for tilskotet etter ordninga er oppfylt. Søkar plikter på førespurnad å legge fram alle opplysningar som er nødvendig for at fylkeskommunen kan gjennomføre ein slik kontroll. Dette er heimla i det statlege bevilgningsreglementet § 10.

### Fylkeskommunen kan krevje tilskot tilbakebetalt

- Tildelinga gjeld det som står i søknaden og vilkåra i tildelingsbrevet. Dersom tiltak i søknaden blir endra utan godkjenning, kan vi trekke tildelinga tilbake.
- Dersom søkar gir ufullstendig eller feilaktige opplysningar i søknaden, og dette fører til at tilskotet blir utbetalt på feil grunnlag eller for mykje, kan tilskotet heilt eller delvis bli kravd tilbake.
- Dersom fylkeskommunen utbetaler feil beløp, skal det som er utbetalt for mykje betalast tilbake.
- Dersom de ikkje oppfyller vilkår og rapporteringskrav blir tilskotet automatisk trekt tilbake etter 3 år, utan varsel.

### Rapport og rekneskap

- Det skal sendast inn rapport og rekneskap for bruk av tilskotet seinast tre månader etter at tiltaket er gjennomført.
- Det er krav om føring og revisjon av rekneskap for tiltaket. For tildelingar under 200 000 kroner skal sluttrekneskapen vere kontrollert og signert av nokon som ikkje har vore delaktig i føringa av rekneskapen.



- For tildelingar på 200 000 kroner eller meir er det krav om autorisert revisor. Unntatt frå dette kravet er verksemdar som bruker kommunerevisjon eller anna offentleg revisjonsorgan.

## Klagerett

Vedtak i tilskotssaker er eit enkeltvedtak ifølge forvaltningslova § 28. Klagefristen er tre veker frå du har fått vedtaket.

## Synleggjering

Det er eit krav at støtte frå Møre og Romsdal fylkeskommune skal synleggjerast ved marknadsføring.

Det skal òg komme fram i årsmelding og eigen post i rekneskapen at det er mottatt tilskot frå Møre og Romsdal fylkeskommune.